



www.BibleForChildren.org


Mojsija 1




Ano početak o Devel
stvorinđa o nebo
hem i phuv.



I phuv inele bizo oblik hem
čuči, hem i tomina učari
ine o hor pani, a o Duho e
Devlesoro lebdini ine
upro pani.



Tegani o Devel phendā: “Nek ovel o svetlost!” Hem ulo o svetlost. O Devel vičindā o svetlost “dive”, a i tomina “rat”. I inele rat, hem inele sabale – adava inele o prvo dive.



Tegani o Devel phendā: “Nek ovel svod maškaro panja,
te razdvojini o panja savei upre oto panja savei tele!” O
Devel vičindā o svod “nebo”. I inele rat, hem inele
sabale – adava inele o dujto dive.



Tegani o Devel phendā: “Nek o panja savei talo nebo
čeden pe ko jekh than hem nek mothoj pe o kopno!” I
ađahar ulo. O Devel vičindā o kopno “phuv”, a o čedime
panja “more”. I o Devel dikhlja dai adava šukar.



Tegani o Devel phendā: “Nek i phuv bijani biljke: biljke
save dena seme hem kašta save bijanena plod ano
savo isi seme palo pumare vrste ki phuv!”
I ađahar ulo. I inele rat, hem
inele sabale – adava inele o
trito dive.



O Devel stvorinđa duj bare svetlija: o po
baro svetlo te upravini e diveja hem o po
tikoro svetlo te upravini e raćaja.
Stvorinđa hem o čerenja. I inele
rat, hem inele sabale – adava
inele o šarto dive.




Tegani o Devel phendā: “Nek o panja oven pherde e dživde bićencar hem nek o čiriklja letinen ko nebo, upreder i phuv!” I inele rat, hem inele sabale – adava inele o pandžto dive.




Tegani o Devel phendā: “Nek oti phuv ikljoven dživde bićija, svako pali pli vrsta: i stoka, okola so lazinena phuvjaja hem o divlja životinje oti svako vrsta!”
I ađahar ulo.



Tegani o Devel phendā: "Ana te ćera manuše pali amari slika, te lićini upra amende. Nek ovel le vlast upro maće savei ano more, upro ćiriklja savei ko nebo, upri stoka, upri sa i phuv hem upro sa o stvorenja so lazinena phuvjaja." Tegani o Devel dikhlja sa so stvorindā hem sa adava inele but šukar. I inele rat, hem inele sabale – adava inele o šofto dive.



O GOSPOD o Devel lelja e manuše hem čhivđa le ano edensko vrt, te ćerel buti ano leste hem te brinini olestar.



O GOSPOD o Devel
naredinda e manušese:
“Oto svako kaš ano vrt
šaj slobodno te ha, ali
oto kaš e
pendžaripnasoro, savo
dela te džanel pe soi
šukar, a soi bišukar ma te
ha! Adalese so, ko adava
dive kad olestar ka ha,
sigurno ka mere.”




Ađahar o manuš dinda anava sa
e stokenđe, e čirikljende hem sa
e divljone životinjende. Ali zako
Adam na arakhlja pe pomoćnica
koja priličini lese.



Adalese o GOSPOD o Devel muklja zoralo sojba upro
manuš. Kad o manuš zasuća, o Devel ikaldā lestar jekh
rebro hem adava than pherđa maseja. Oto rebro savo
ikalđā e manušestar,
o GOSPOD o Devel ćerđa
e đuvlja hem anđa
la anglo manuš.



Adalese o manuš ka ačhaj pe dade
hem pe daja hem ka ovel jekh pe
romnjaja, hem on duj ka
oven jekh telo.



Adalese so, o Devel edobor volinda e
manušen taro sveto da dinda ple
jekhore Čhave, da svako kova
verujini ano leste te na merel,
nego te ovel le večno dživdipe.



Rimljanenđe 3:23 Adalese so, sare grešinde hem našalde i slava e Devlesiri,

Rimljanenđe 6:23 Adalese soi i plata zako greh meriba, a daro e Devlesoro i večno dživdipe ano amaro
Gospod Hrist Isus.

Jevrejende 9:27 Hem sar soi e manušenđe odredime jekhvar te meren, a onda te ikljon ko sudo e Devlesoro,

Efežanende 2:8,9 Adalese so, pali milost injen spasime prekali vera. Adava na avela oto tumaro trud, adavai e Devlesoro daro. Na injen spasime zbog tumare delja, sar te našti nijekh hvalini pe.



Rimljanenđe 10:9,10 te priznajineja te mujeja dai o Isus
Gospod hem vileja verujineja da o Devel vazdinđa le taro
mule, ka ove spasime. Adalese so, vileja verujini pe zako
opravdanje, a mujeja priznajini pe zako spasenje.

Jovan 3:16,17 Adalese so, o Devel edobor volinđa e
manušen taro sveto da dinđa ple jekhore Čhave, da svako
kova verujini ano leste te na merel, nego te ovel le večno
dživdipe. O Devel na bičhalđa ple Čhave ko sveto te
osudini e manušen, nego o manuša te oven
spasime prekalo leste.

1 Jovan 5:11-13 A akavai adava svedočanstvo: o Devel
dinđa amen večno dživdipe, hem adavai dživdipe ano
lesoro Čhavo. Kas isi e Čhave, isi le dživdipe. Kas nane e
Čhave e Devlesere, nane le dživdipe. Akava pisinđum
tumenđe kola verujinena ano anav e Devlesere Čhavesoro
te džanen da isi tumen večno dživdipe.



Mojsija 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Romani Arli Bible (rmn) CC BY SA

<https://www.bible.com/en-GB/bible/3606/MAT.1.RAB>

©2026 Bible for Children, Inc.

www.M1914.org

www.bibleforchildren.org

